



Bájkkeavijssa NuorttaSálto

- ”Juohkkahattjan” lidjin boahttsu

Tæksta: Børge Strandskog
Járggálibme:
Divte Media AS/Lars Th. Kintel

Jage 1916-17 lidjin hiehtejage Nuortta-Sálto boatsojsujttuj. Jábma boahttsu lidjin juohkka sajen, duola dagu Kalvåggetten Hábmerin.

Dallutij lidjin læhkám moadda dájmalasj boatsojsujttojuohkusa guovlon, subtsastij Hugo Kalstad ávdep dijstagá semináran Árranin sáme vahko aktijvuodan. Kalstad miejnnij boatsojsujttoidentitehtta vuona bielen julevsáme guovlon ájn le viesso ja nanos, ja jut dát oasse bájkálasj sáme identitehtas álu ij ávdđán boade. Sierraláhkáj gæhttjohahttsujsystemma ájnas duoddeáladussan vájkkudij váj moaddásin lij lahka aktijvuohta boatsojsujttuj. -“Juohkkahattjan” lidjin boahttsu, snjuhttjij Kalstad. Vuosedij mærkkaprotokollajda ma vuosedin gænna lidjin gæhttjohahttsu, ja Boatsojsujttoláhkáj jages 1987 mij nammadij dájmalasj, bájkálasj ælloniehkijt.

Boatsojsujtto ja ælloniehke (1800-lágo lánpan/ 1900-lágo álgon)

Divtasvuonan: *Kuorak*, “*Finna*”, *Biebmo Mikkil* (*Kuoljok*), *Gælok* (*etterhvert*), *Tjihkkom*, (*Sliedda*, *Kintel*)

Hábmerin: *Vadnem*, *Habrel*, *Sliedda*, (*Vantar*), *Hejka Labba*

Stájgon: *Goango*, *Vadnem*, *ihkap Saulu*

Oarjjevuoldán: *Petter Nilsa* (*Vadnem*), *Kjersti Suonger* (*Huvva Vadnema árbbásj*) og *suv maK’eldisboahhte*, *duola dagu Johan ja Andreas Johnsen Håkjerringnes*.

Dá boatsojsujttojuohkusa lidjin tjieldijn Oarjjevuodna, Hábmer, Mørkvatn (*Rivtagjávre*), Skotstind (*Stájggo*) ja Fánnkávárre (*Folda*). Dánna lidjin jagen 1890 tjoahkkáj 2500 boahttsu. Valla daj nammadum hiehtejagij 1916-17 maKK’ela lidjin binnep boahttsu báhtsám. De ælloniehke ”hiehtetjoavddusij” guorrasin; siján gænna vil lidjin boahttsu, bákkijin Henrik (*Heikka*)



Hugo Kalstad hála julesáme boatsosujto birra Nuortta-Sálton ávdep dijstagá viek buorre semináran Árranin, ierit ietján ietjas fámillja guhkesájggásasj tjanos guovlo boatsojsujttuj. Sån le iesj árbbedábés berustáhttjám, ja sujna li boahttsu Vuollnán Divtasvuonan. Birgit Labba (o.b.) aj árbbedábev ávdet. Fámillja le boahttsuj barggam guovlon 1950-lágo rájes.

Hugo Kalstad holdt foredrag om lulesamisk reindrift i Nord-Salten på forrige tirsdays vellykkede seminar på Árran, blant annet om egen families lange tilknytning til reindriften i området. Selv har han tatt opp tradisjonen, og er involvert i reindrift på Hulløy i Tysfjord. Birgit Labba (t.h) representerer også tradisjon. Familien har hatt reindrift i området siden 50-tallet.

Labba svájnnasin. Moadda jage ávdđálijguovlluj lij Heikka Labba ja suv fámillja sij gudi æládusáv ávdedin. Labban lij boatsojsujtto dáppe gitta jahkáj 1934, gå Bálágij jádij. De lij boatsojlánko lassánam.

Vadnem-fámillja lidjin ietjasa boahttsujttolárkkam juo jagen 1926. Ja sij lidjin dat ”ieme” julevsáme boatsojsujttojuogos mij guhkemusát járkij. Oarjjevuona tjieldin lidjin doaroj mañnela dássju 20

boahhtsu báhtsám, madi Kalstad-fámillja ja John J. Langås (*Vadnem*) moadda jage dájmadin 6-700 boahttsuj ma lidjin dálvveguohtomin Hábmerin ja giesseguohtomin Mørkvatn tjielden. Boahttsuláhko gal unnoj mañenagi. John i Langåsen hiejtij jagen 1965, ja sæmmi jage lidjin Karl ja Nils Kalstadan dássju 80 boahhtsu vil. Oanegasj mañnela sáj aj hiejtijga, ja árvedip sulle 1970 lij árbbedábálasj julevsáme boatsojsujtto hiejtiedum.

Valla ællim állu náhkum boahhtsujs Hábmer ja Mørkvatn tjieldijn. Svænska Guttorm Labba fámilljanis dajt ávkkij. Labba lij ávdđála Nils ja Karl Kalstad ávdás ræjnnuham, ja jagen 1970 lidjin sujna 700 boahhtsu. Dát fámillja ájn boahhtsuj barggá dáj guovlojn.